



## **Australian Government**

### **Department of Health**

#### **VIKTORIA NIJE SAMA U NAJNOVIJOJ REAKCIJI NA COVID-19: Glavni medicinski funkcioner**

Svi smo i dalje zabrinuti zbog izbijanja COVID-19 u Viktoriji kao i slučajeva prenošenja u zajednici.

Kao vršilac dužnosti Glavnog medicinskog funkcionera i predsjedavajući Glavnog australskog odbora za zdravstvenu zaštitu (Australian Health Protection Principal Committee) (AHPPC) koji uključuje sve glavne zdravstvene i državne službe, mogu nedvosmisleno reći da Commonwealth podržava akcije koje je viktorijaska vlada preduzela kako bi suzbila širenje virusa. Nastavljamo se svakodnevno sastajati i čvrsto podržavati ono što Viktorija radi.

Reakcija Viktorije - koja uključuje trostruki pristup testiranjem, praćenjem i izolacijom, plus fizičkim distanciranjem i ograničenjem kretanja - upravo je pristup kakav preduzimamo na nacionalnom nivou. I kao što svi znamo, to uspijeva. Zbog toga je, u poređenju s bilo kojom drugom zemljom, Australija dosad odlično prošla u ovoj pandemiji. Naš nacionalni pristup je bio da udarimo jako, udarimo rano - i to je ono što se sada radi u ovoj situaciji u Viktoriji.

Izbijanja poput ovoga u Viktoriji su se očekivala, iako smo se nadali da do toga neće doći. Kao epidemiolog s 30-godišnjim iskustvom širom svijeta u čitavom nizu zaraznih bolesti, uključujući HIV/AIDS, tuberkulozu i gripu, znam da se borimo sa visoko zaraznom bolešću. COVID 19 treba samo malo podsticaja da se pokrene i brzo može izmaknuti kontroli, tako da moramo biti brzi i fleksibilni u svojoj reakciji. I biti budni i oprezni.

Mogućnost povremenog izbijanja bila je u našem planu odaziva cijelo vrijeme. Tako da znamo šta treba učiniti. Znamo gdje je većina slučajeva u Melbourneu i tu moramo usmjeriti svoje napore. Trenutno se provodi izuzetno veliki proces testiranja. Cilj je zaustaviti izbijanje što je brže moguće kako bi se zaustavilo širenje. To su stanovnici Tasmanije uspješno uradili na sjeverozapadu svoje države. I to je ono što viktorijски tim sada radi.

Primjena modela sjeverozapadne Tasmanije u urbanom okruženju ima svoje izazove, ali akcija koju preduzima Viktorija odgovarajuća je i proporcionalna. Vođena je naukom. Zasnovana je na podacima u stvarnom vremenu i dobroj javnoj zdravstvenoj praksi, a zaštitit će i spasiti živote.



## **Australian Government**

### **Department of Health**

Nemojmo izgubiti iz vida mnoge pozitivne stvari. Nepobitna činjenica ostaje i dalje da je Australija - kao što sam već spomenuo - u ovoj pandemiji izvrsno uspjela, a Viktorija dijeli taj uspjeh. Zahvaljujući vrlo jasnom strateškom okviru obzivanja i angažiranju kapaciteta koje su postavili medicinski stručnjaci i politički lideri širom Australije, u kombinaciji s angažmanom i posvećenošću australske zajednice, uspjeli smo izravnati krivulju koronavirusa u cijeloj zemlji. Opseg epidemije u Viktoriji još je uvijek je vrlo mali u poređenju s jačinom epidemija širom svijeta. Ali trebamo i već jesmo brzo reagirali da spriječimo daljnje širenje.

Uz ograničenja koja su ponovo uspostavljena, molim sve stanovnike Viktorije da budu strpljivi. I da budu odgovorni u svojim vlastitim interesima, u interesu svoje države i nacije. Efikasnost ograničenja zavisi od pridržavanja zajednice u preporukama vezanim za javno zdravlje. Oslanjamo se na vas.

Ova najnovija epidemija nije problem Viktorije. To je nacionalni problem. To je svačiji problem. Podršku pružaju Savezna vlada i druge države i teritorije - nekoliko stotina kliničkog i ostalog osoblja pomažu u testiranju, pronalaženju kontakata i javnog angažiranja. Jako sam ohrabren - i, rekao bih, ni najmanje iznenađen - ovim nacionalnim odazivom da potpuno preuzmemo kontrolu nad virusom. Što je najvažnije, iako smo već uradili veliki dio posla s multikulturalnim zajednicama, udvostručujemo svoje napore kako bismo osigurali da prave poruke prenesemo ovom vrlo multikulturalnom dijelu Melbournea.

Želim da svi stanovnici Viktorije znaju da smo ja i moje kolege u AHPPC - nacionalni zdravstveni i medicinski stručnjaci koji su upravljali australskim odgovorom na COVID-19 od samog početka, da smo s vama na svakom koraku - kao što vjerujem da su također i svi drugi Australci. Mi smo u ovome zajedno i zajedno ćemo kroz to proći. Ovo je nacionalni napor. Oduvijek je to bio nacionalni napor. Ako pobijedimo virus, zaštitit ćemo stanovnike Viktorije, zaštitit ćemo sve nas.

**Profesor Paul Kelly**

**Vršilac dužnosti Glavnog medicinski funkcioner**